

曬書堂集

曬書堂詩鈔卷下

棲霞郝懿行蘭皋

七言律

晉西平公張實

誰起雍涼練義兵惟公兩世篤忠貞

實父執亦嘗入援

千人羞

入趙王殿一璽終還晉帝營

實以兵入衛後愍帝降趙而義兵千人終不動嘗獲

玉璽肯向空山尋橡稻因憐故國滿蒿荆

時百官奔散入山拾橡采

稻而食長安城中蒿荆成林

定知身死西州日畱卻英魂守舊京

實後

爲下所殺

玉蘭盛開賦長律二首

皎潔無塵輭玉齊
璵璠萬朵壓枝低
雪堂夢鶴衣猶縞
月殿舞娥裳是霓
淨影宜藏深院裏
幽香暗度小窗西
芳名久刻茗華上
不許騷人豔語題

肥比江梅莫謾誇

文徵明詩瘦比江梅不恨肥

月明清影更無瑕白

衣宰相山中客
綠萼仙人羽士家
塵表居然推玉樹
揚州幾見失瓊花
底須煎作牛酥美
畱取餘香試點茶

蓮花

二首錄一

淥波澄淨出幽香
誰識花中道趣長
瀟灑祇應推茂叔

溫柔不合擬張郎願移君子花三字持贈伊人水一方
若謂猶饒脂粉態臨池欲盡洗紅粧

八月六日北澗張兒邨卽景

疎林微露野人家行到林中路又賒細徑紆迴隨石轉
孤邨掩映被山遮黃垂街道初收果綠滿柴棚正熟瓜
此地外間人跡少重來恐失舊桃花

是日途中遇雨

橫風吹笠起林間策馬揮鞭不暫閒黃犢負犁奔野屋
黑雲攜雨過前山兒童結草場初蓋邨舍臨溪戶盡關

聞說驚雷猶倚柱征衫溼透且開顏

廿八日復遇雨前詩云征衫溼透今果然矣再賦

一首

那堪兩度賦瀟瀟噴薄無端似湧潮雨氣全吞斜日角
虹梁直駕暮天腰僕夫踉蹌奔山寺潦水縱橫下野橋
爨底烘衣吹豆火孤檠且復慰蕭條

秋日雜感

排去又來無過癡箇中甯解道相思難乾別淚紅油燭
不斷情緣碧藕絲夜雨每從孤枕聽秋風偏向薄衾吹

園中存得數畦在畱取落英供一餐

登州畱別慕丈色五

二首
錄一

壯志未酬氣愈昂十年奔走困名場青衿我坐馮唐老
白眼君非阮籍狂每到酒酣腸更熱卻從話別語偏長
定知來歲東籬下金鳳花開壓眾芳

慕丈以鳳仙
佳種見贈

太虛宮懷丘長春先生遺蹟

濱都舊里半荒煙遺構巍巍五百年畫棟雕甍元制度
方巾闊袖古神仙持身大節追三聘悟主微言祖七篇
先生對元世祖云欲長生在清
心寡慾一天下在不嗜殺人
爲問黃冠談道客先生

明言生言金卷一
衣鉢幾人傳

太虛宮古檜

俗名鐵樹

故宮零落樹猶存爲問何年植小園
孤榦杈枒酣雨雪一枝蒼翠出金元
苔痕著葉形逾古鐵色淩霜氣不溫
我爲長春眞賞在時來此地訪仙根

柳絮

似絮如花浪得名日長庭院趁風輕
點溪鷗鷺爲茵輓撲硯煙雲落筆橫
偶逐游絲千丈起徐飛煖雪一天晴
飄零肯作霑泥想須放青萍水上行

濟南雜感

二首
錄一

荻花蕭瑟藕花枯
全勝山川入霸圖
白雪滄溟湮故里
秋風楊柳老明湖
重城畫角吟霜冷
古館寒鐙伴月孤
莫向旗亭論酒價
年來稊貴不堪酤

遊羅氏園亭

在濟南城西
偏四首錄三

何年池館已消沈
到此依然起隱心
竹徑平添風雨氣
泉聲半落薜苔陰
客來花榭無僮婦
葉下湖亭有鳥吟
剩得芭蕉愁暗結
主人別後到於今

紅葉當階水滿池
豆棚陰下子離離
亭先得月緣波浸

魚似親人倚藻窺花草未更新第主風簷猶刻舊題詞
當時修禊人皆盡曲水流觴未有詩

曲曲穿來又一亭賢清泉上好談經

泉在園中濟南七十二泉之一叢

蕉礙徑刪爲紙脩竹當門束作屏瓦落檐頭秋掠蝠藤
垂池畔夜藏螢園丁漫下菱蕤鎖蛛網常封戶已扁

北極廟

多宮縹緲碧城環一帶紅牆抱水彎北拱斗牛朝紫府
南窺鄒魯引青山碁聲半落松陰裏湖色平鋪柳浪間
縱使高寒輸玉宇也應揮手謝人寰

千佛山

驚峯飛去復飛還
花徑幽通晝掩關
覺路斜從松澗入
諸天高出石巖間
鵲華南向空林靜
灤濟西來法水彎
不比尋常蘭若地
塵中咫尺近靈山

趵突泉

水輪激轉勢砰訇
混混靈源號小清
沫灑半天飛雨氣
波翻平地走雷聲
花開洞口春風煖
水積庭心夜月明
邃石幽泉臨竟日
不知身已在蓬瀛

黃葉

洞庭波渺水平隄木葉亭皋一色齊千里曉風征戍淚
半林殘月鷓鴣啼空江送客舟初度斜徑停車日向西
豈爲傷心賦搖落無邊蕭瑟畫中題

遣愁

心田種得幾多情剗絕萌芽卻又生閒數鎗花消寂寞
愁聽更鼓倍分明十年鴻爪徒虛話半點蠅頭博細名
惆悵終宵誰共語芭蕉窗外作人聲

打毬

迴雪流風宛轉遊淩虛跳躑氣充周但須平地擎雙手

便向高人出一頭跌宕荷盤珠顚動輕盈紙翦月輪浮
騰空不著湘簾隔直要飛身入玉樓

鋸齒山

山形如鋸齒因名國初于逆之亂虜兵於此于本捕快名小喜以順治十七年冬

據山反叛山在樓霞城東南四十里

巉巖石齒劒峯攢險惡山形霧裏看陰壑無從收白骨

愁雲有意壓青巒煙橫舊壘三軍覆草滿荒坡六月寒

天意豈教藏狡兔蕭條窟穴已摧殘

問近年山北間有崩地處

山頭夜半落機槍曾此魂銷舊戰場射石熊渠矜壯勇

負隅虎子敢猖狂血濺殘壁今猶赤日淡陰崖古已黃

一自燕然功勒後春風滿岫野花香

大城

西北天高瞻帝座山川形勝接龍蟠雲臨關塞全無色
風入幽燕特地寒萬里車書皇極遠千金馬骨霸圖殫
請看垌野桑麻美埃火清閑日報安

風鳶次蔡松若韻

瓏玲弦索掛晴煙颺起塵埃看紙鳶偶逐蓬飄難著腳
纔因羽化卽登仙影摩白日青雲過響入雞林雁塞傳
聞闔若教君可到直須風送竟朝天

又嘲風鳶

裁翦任施生趣少飄零莫逐少年遊全憑引線人方起
一遇無風地卻休不立操持難著腳若嫌輕薄早回頭
爭如解脫無牽絆飛入雲霄得自由

都門米商劉徽五索詩戲贈

長日肩頭幾斛珠底須乞米問陶奴傾囊莫數陳因粒
擲地頻防狡獪姑香稻可餘鸚鵡未胡麻曾飯阮劉無
長安雖貴居偏易笑殺書生計太疎

都門五日

榴花如火照欄前
令節驚心恨倍牽
路鬼挪揄新病客
蒲觴冷落故鄉筵
曾無彩縷施菱角
但有艾人握蒜拳
顛顚眞同漁父卜
何當重問楚先賢

都下將歸有作

京華爲客倦遊還
炎熱場中總厚顏
失路幾曾遭白眼
盟心終是狎青山
人如秋蜨由他冷
身似浮雲落得閒
半載長安塵土面
應須洗盡返柴關

吏部觀揀發諸公多美髯戲作

卻看于思得意時
風吹領下颺絲絲
當年楚相皆長鬣

今日郎官未剃髭，燃去應嗔持燭吏。
挽來須憶候門兒，君髯如戟休相笑。
始信丈夫不守雌。

爲趙晴虹先生書筵時揀發陝西

名家科第鬱芊絳，品望清秋玉鑑懸。
琴鶴風流眞父母，烏鳬瀟灑自神仙。
綠牌傳殿榮今日，絳帳論文感昔年。
爲報河陽花早放，不須重訪孝廉船。

藥宮高步幾逡巡，卓犖文章似古人。
秋谷西園簪筆舊，

邠卿北海著書新。
十年槐市人爭附，

先生館棲霞最久

百里桑

陰雉更馴珍重冶，亭揮扇語須教花縣盡生春。

運河

黃河東走勢逶迤運道橫開入海時青蒲開門千艘下
綠楊瓜步一颿遲飛車輓粟秦人拙鑿水穿渠鄭國奇
千里安流功不細漕船銜尾抵京師

冒雨宿野人家同趙晴虹先生

野店人家白板扉那堪連夜雨霏霏一身全溼惟畱齒
半榻難眠止挂衣波浪掀天疲馬渡舍車乘馬仍雇人牽挽而行江
湖滿地旅人稀似曾贏得路旁笑君在泥中胡不歸

六月二日同趙晴虹先生去濰十里阻雨是夜于

河水大至兩岸廬舍多圯屋中水深三尺許
洪濤萬馬下膠河灘北風高湧白波望去止疑茅屋矮
浮來但覺水田多蛙行沈竈泥蹤亂直聖浮漚樹杪拖
曾記南方鷓鴣語如言行不得哥哥

夏日讀冒姬董小宛傳因書冒辟疆影梅庵憶語
後

玉骨娉婷謫大羅芳蘭摧折惡風多我疑佳麗招天譴
誰信姻緣惹鬼磨白雪才嫺吟不忝青蓮命短恨如何
小宛一鑪香茗椀塵封久月色猶應戀素娥

性愛
月色

孤鴻飄泊落秦淮欲赴如皋恨屢乖盜賊窟中藏玉骨

風波江上蕩金釵

盜賊風波具詳本傳

佳人知己惟君獨名士多

情自古皆借問紅箋奩豔集可曾同付暗香埋

豔集辟疆曾

欲梓之而未果見影梅庵憶語

冒雪郊行

天寒風急出闔閭極目川原入畫圖邨舍幾家全罨歷
峯巒數點半模糊煙迷曲渚鷗尋岸影亂荒汀雁入蒲
只恐小橋看不見旗亭有酒倩誰沽

五日登艾山

巉巖勢與白雲齊未到崖巔首已低
放眼欲空滄海北摩天直走鉅嵎西
半山語落人難見古木陰多晝亦迷
採藥深林逢羽客何緣仙境許攀躋

其二

艾因佳節鬥青蔥仄徑紆迴路可通
兩戒中分限南北山之陽爲樓霞
孤庵懸絕各西東山童覓藥幽巖裏
道其陰爲蓬萊士聽泉亂石中
絕頂有仙求不得舉盃長嘯碧天空

趙桐陽莊扶邨居卽事

家有詩書野有農門臨溪水戶臨峯
晚登肥蟹連薺擘

沽河出
美蟹

新熟香杭帶殼春場圃並於晴日趁

俗呼築場爲趁漁

簪斜向暮煙衝便須小築從君住無奈秋風歸興濃

重九前一日甚雨次日大風至暮密霰微下頗有

寒色今年十日甫霜降而九日雨雪有足異者

詩以紀之
乙巳年

隔城山遠聽疎鐘霜葉未成雪已封菊爲重陽冒風雨
天將一日判秋冬山防帽落登臨嬾租免人催詩興濃
獨有寒花宜寒月蕭蕭疎影伴溶溶

丁未夏歸自都門感內人林殂謝脁已經年喟然

有作

蕭條寶瑟久生塵，尚有窺梁語燕頻。
顚顚我今爲倦客，淒涼君已作歸人。
歸人出尸子 銕寒旅館驚蕉夢，身逐飄蓬
愧雁臣。十載風流悲老大，鳥嘯花落怨殘春。

夜靜

夜色幽便獨步宜，輕衫薄薄怯涼颺。
蒼苔徑暗螢來早，庭樹陰多月上遲。
景霽連番疎雨後，秋生萬戶搗衣時。
良宵辜負南樓興，玉笛聲中有所思。

秋夜

庭柯靜對總怡顏寂寞深宵戶未關月色不離幽徑側
蟲聲多在亂籬間開窗一任飛蟲入踞石真同野鶴閒
獨伴孤檠渾不寐聊將詩草自增刪

秋雨多蓬蒿成林時隱其中

門外何曾轍跡深居然城市有遐心寒蟬抱樹期期語
促織緣籬切切吟半圃晚香畱小草一天商意動高林
款關有客來相訪直向蒼苔徑裏尋

晚眺

山城八月雁初飛寂寂蕭辰託興微蟋蟀聲中疎雨歇

芙蓉香裏晚花稀暮煙鄰舍新炊黍暝色高樓正搗衣
獨向小齋深坐久閒聽落葉打窗扉

寄奉族叔別駕塞北塔子溝

四首

落落同宗各一州偶因萍水共淹留都門聚首逢蒲月
海國懷人涉菊秋北阮諸郎多顯達南溟有鳥尙沈浮
何時再向長安道重訪新豐舊酒樓

詩書先世舊生涯塞北幾經度歲華庾信過江官始顯
杜陵遷蜀客爲家邊城落葉催寒戍鐵騎秋風冷暮笳
況是蕭條連九月故鄉南望日西斜

迴首昌陽舊業殘

其先業陽人

卽今駟馬煥門闌嫩隅歌句

承家學半刺風流屬長官辭鳳甯教題凡鳥田荆早謝

憶阿干

叔有長兄殂逝

忝稱同譜殊庸碌每倚長風向北看

落魄依然剩故吾自慙書劒學猶疎風流定愧稱佳士
章句應教笑腐儒塞馬淩霜思走坂邊鴻鍛羽且銜蘆
北風頻望德音惠翹首天涯起壯圖

早發鄒平

麗譙高聳畫圖開煙樹蒼茫曉氣催流水傳聲繞郭去
好山送色入城來紛騰市語喧車騎衿帶人家傍水隈

最是重關看不足輕鞭躍馬出塵埃

己酉下第書以自勵

四首

浮情淡似霜前菊歸思濃於雨後山馬遇燕臣市骨去
人從秦國上書還主司未必烘頭腦士子真應厚甲顏
記取來時須近夜青衫依舊返柴關

過眼何曾迷五色看花止恨負三春熱中夢想都成幻
失意詩書且復親磨硯要如先達輩積薪還作後來人
未充觀國心猶壯萬卷須知筆有神

虧得清和逢首夏輕衫一任敝貂裘汗顏真似蒙頭豹

明書生言金卷一
失意還如破卵鳩宋五居然稱坦率孫三終是狎吟謳
寒窗未了青鐙債豈便薰衣鳳沼遊

無勇難言非戰罪有成方敢坐論功同袍負羽人皆北
似箭歸心馬欲東愧我簡書曾未習輸他文陣獨稱雄
五千精騎胸中練還向陰符問太公

初夏途中卽景

四月恢台景物清邨頭布穀正嘯聲煖浮麥氣薰風透
涼散槐陰午日晴野店臨衢帘影挂山橋沿路馬蹏輕
少陵未免懷家室極目蒼茫賦北征

松柏有心

柯葉儘教冰雪侵爲堅多處故森森曾經春早闌無色
甯願歲寒明此心嶺澗便應埋骨老風霜贏得練思深
棟梁題品亦多事方寸自堪凌古今

小閒

心生閒趣卽田園地少軒車絕問存纖雨連綿常竟日
好花掩映恰當門葵須新摘頻呼婢竹爲晚萌期抱孫
從此倍饒蔬筍味秋來何慮缺盤飧

冬日省中撥火烘印有感而作

華省從龍粉署層室虛生白怯淩兢冷銅須煖頻烘火
熱宦憎寒卻飲冰花爲向陽春易早梅因臥雪凍難勝
冬春相去無多日忍耐些兒得未曾

榆莢錢

有敘

俗情雲擾塵冗風馳意無甯緒偶讀小倉山房
喜其解脫因檢舊作補成四章丁丑八月望後

一日作

百千下箸仍嫌薄億萬纏腰尙覺輕
蒸食祇應餉貧子鐫文直欲認方兄
青銅於我原無分阿堵嗤君枉擅名

若許輪將同鼓鑄寒門可使到公卿

盜鑄東皇例不刑千枝萬朵壓林亭偶緣天上星飛白
撒向人間樹帶青窮措不須嘲我屋官家何故肖君形

春風到處皆成富張說漫誇本草經

張說有錢本草

索債人來指樹顛東君教我且隨緣他年頗有買山本
此日儘銷酤酒錢關念嫁婚須措手驚看兒女已齊肩
男十七女十一就令草木堪驅使過眼空花亦枉然

來去阿婆春夢中豪華散盡一場空絕無文字憑誰使
剩有園林坐汝窮輕薄終須付流水飄零底事怨狂風

階前莫遣兒童埽畱與人間說鄧通

時有苛人受錢事聞抵罪者感喟之

情溢於

言表

時有招余爲市隱者余旣辭不爲旋又聳余不持一文坐收三倍余知不可姑笑而存之因成四

首

窮年屹屹老儒生自分華顛守管城吏隱可能兼市隱孔兄今要作家兄爲郎已被馮唐誤斷壘還遭孟叟輕

多謝鄰翁招引意幾年脣未染君羹

斷俸八年無米喫

宦情疎薄冷如秋蕭灑空囊且自由夫子執鞭無不可

小人近市有何求家傳舊業非葱肆老去生涯在菟裘

菟字讀
作去聲

自愧衰翁應戒得阿戎猶勸習牙籌

門臨小市據通都作賈無妨亦作儒豈有桑羊偕孔冶
能同鮑叔待夷吾身難作蘭酬園客手拙持竿愧釣徒
欲問古來懷玉者可曾畱意學屠沽

充隱虛名自不妨諸君教我且充商半生未了讐書債
晚景新添別業莊甯有一寒憐范叔容無二價學韓康
青州從事徒虛語捧腹還須細忖量

書齋盆菊今茲特盛花又耐久賀之以詩

蘭衰蓉老怯秋涼
籬菊新分瓦甌藏
冷面相看增嫵媚
清心直欲挾冰霜
到無言處天生淡
如有意閒特地香
莫把齋頭輕位置
此花祇合在書堂

東坡詩題欲以石易畫
晉卿難之蓋仇池海石與
韓幹畫馬并資賞玩理可推移
因思昔人用愛
妾換馬殊覺非倫
深堪歎詔詩以紀之

鼓瑟人拋換祖龍
連城易壁亦非工
長鳴騏驥秋風裏
忍斷鴛鴦錦被中
石畫隨人歸野土
蘇王陳迹逐飄蓬
若同莊叟觀齊物
秦鹿何妨抵楚弓

至家

乍遠長安市上塵故園風景喜相親
青山有意迎歸客綠竹居然識主人
書味尋時還似舊世情閱處更添新
牙籤未理須吾事且養他年拜獻身

石竹花

階縫石罅結根香影瘦偏宜竹嶼旁
鳳尾偷裁纖葉格桃枝巧構小花房
分無君子清虛質雅有貧姬儉淡粧
更喜聯縣開不斷秋風直接菊芬芳

賀岳伯王

先生生孫

玉昆金友列階前
欣看麟兒屬後賢
正則庚寅初度日
康成丁卯恰同年
祖孫並己酉年生
蘭亭舊寫分甘帖
槐室新儲賜果錢
何必貴爻占
易傳德門英秀自蟬聯

夏日口占

人言三伏暑天長
我有閒中逃暑方
山氣西來朝帶爽
窗風北過午生涼
心清不借甘瓜鎮
几靜惟聞古墨香
更喜眠餘湘簟冷
蟬聲亂落讀書牀

棲霞督捕張君際安假歸山陰

追胥互櫟歷朝昏
君與桐鄉故有恩
十載萑苻清鄭國

張任棲邑十二年尤善詰盜

一天風雪赴吳門歸颿遙指大江樹候

騎爭看小步邨

邨張所居

過歲長安尋舊約旗亭杯酒話寒

溫

平泉

棲霞東北距城四十里

苔青水碧漾澄鮮平地縈迴總是泉
百頃潭空花掩映三春波煖鴨畱連
穿經巷口微侵屋繞出邨頭半入田
記得此間街里語由來雨澤不求天

蒲臺河曉渡寄內

綠波澄澣絕無塵回首相思南浦濱
楊柳杏花藏縣郭

曉風殘月渡河津
請看水上浮萍客
都是閨中曉夢人
隔岸祇容杭一葦
無端臨發幾逡巡

途中寒食

二月中旬杏花雨
一百五日楊柳風
故園春色應何似
寒食禁煙到處同
冷酒自酤邨巷北
賣餠人過小橋東
介山焚後千秋恨
散作征塵十丈紅

舟行王家口阻風距天津尙百里

日慘雲昏駭石尤
鳶飛塵起怒陽侯
小舠如屋聊容膝
潑浪迎人欲打頭
自煮鮮魚供下酒
閒憑細槳學操舟

縱饒一棹明晨發水宿居然人似鷗

抵天津

帝京咫尺望重霄雄鎮巍然拱斗杓河色橫開城外郭
海聲直走日邊潮樓船旌旆分吳越市井魚蝦換暮朝
洵是天家股肱郡人煙何處更喧囂

庚戌四月下第作

空有涸魚望水噏定無藏屐畏泥黏蠶叨葉老絲先熟
蜂釀花多蜜晚甜雨足聊閒春圃甕風輕不漾酒家帘
青楊落後黃楊在爲語詩人得免嫌

途中口占

風塵慘淡壓征鞍，不耐朝昏宿復餐。
馬上吟詩藏腹藁，邨中沽酒恨腸寬。
未成報國心猶壯，纔擬歸家夢已安。
旅邸鷓鴣一枝穩，雞聲喚起月初殘。

甕裙

天將雨人家貯水甕半截溼俗云甕裙則雨驗之良不誣

溽暑蒸騰甕有裙，淋漓數幅寫羊欣。
漢陰抱去新漂練，湘水拖來溼帶雲。
曳地濃漪荷葉色，黏泥細暈蘚苔紋。
黃梅經過連番雨，頓覺腰肢重幾分。

小園

城市居然似隱淪
小園閒涉趣偏真
花間徐步不驚鳥
竹裏深藏如避人
冒雨尋畦蔬甲嫵
隨籬插樹土痕新
蓬蒿滿徑荒蕪久
芋栗全收復不貧

閨怨擬作

限溪西雞齊嘯爲韻兼用一二三四五六七八九十百千萬兩雙半丈尺等字

入填

百丈江頭七里溪
八千路隔萬峯西
一簾風定窺雙燕
半樹月明聽五雞
春水桃花三尺下
畫眉柳葉兩彎齊
笙歌二十四橋夜
九轉六么淚暗啼

春閨擬作

限溫樽骨痕魂爲韻又限花名酒名美人名官名鳥名曲名山名藥名各依次

填之

紅杏花開日漸溫
蘭生不御掩空樽
採蘋江上春煙暝
洗馬池邊夜雨昏
用薄倖即牽馬洗春沼之語
恰恰鶯兒哢樹底
雙燕子蹙花痕
望夫立徧山頭石
想到當歸合斷魂

積雪爲小山

長欵短帚出柴關
滿地峯巒指顧間
不解浮花空色相
翻將遠勢鬥孱顏
祇供學士烹茶用
莫引遊人蠟屐攀
知否扶桑開曉霽
雪山未必勝冰山

附句

野雀避寒檐
下宿
雛貓偎煖傍
人眠

冬日一晚景

一歲無

如秋夜好千金難買此身閒

秋夜幼婦新辭憐繡虎君

王獨夜詠牽牛

跋洛神賦

和涂淪莊六月藤花原韻

重向長安作客來故鄉三度紫藤開

小園藤一株余十許歲時手植久經

拱把花數千朵自嘉慶八年再客都門此花消息不復聞問

緣君庭院花偏晚感我

家園意屢猜回首繁華春事盡驚心新藥巧工裁歲蕤

枝上還多子黃熟休誇五月梅

藤實繁盛藉祝多男淪莊春秋五十有三此時

方有弄璋之望故及

今月

有敘

抱朴子言俗士云今月不及古月之朗李供奉
因爲古朗月行又把酒問月云今人不見古時
月今月曾經照古人並用前語也陰霖積久忽
覩清輝緬然思古人不復可見聊借前著用暢

幽情

今人懷古月偏朗古月照今人已陳閱盡英雄兒女態
催殘楊柳曉風辰浮雲過處都成幻明鏡磨來總未眞
欲向蟾宮問消息桂花誰種證前因

戲嘲芭蕉

有敘

余家居喜種蕉綠天庵裏歲饒數十株蔭覆半
畝餘矣自寓都門蝸廬半榻蟹殼一園蕉生消
息久絕音塵歲在丙寅炎夏如蒸偶緣事會小
集繼連龕精舍碧紗幬外綠瑱窗前十步之內
無一非蕉生行徑也余既感此因憶家園不知
近復何若爲賦長律二章意存欣慕詞涉嘲諧
覽者得無掩口

心多剛展又踟躇偷放輕陰數畝餘儘送雨聲驚榻夢
那容花影到窗虛諸天隔絕人難見隙地全遮艸未除

一自被彈修竹後何堪拈葉更爲書

代芭蕉解嘲

霽霽陰陰翠欲流淒風苦雨不成愁清虛誰解心如石
冷落何妨氣似秋葛藤自憐機軸妙苔箋休惹墨痕浮
解人唯有王摩詰畫出幽姿雪裏留

柬宣城守歐陽梅龕

宣城名紙所出閣下佳墨如林自今二妙仍望
寄存再君家六一公集久許惠頒何不及今富
貴時將家集贈人爲榮觀也燕函裁訖興會未

闌旋成四韻因憶昔年共署詩酒追隨洵足樂
也錄呈清政兼竝和章

十年粉署竊仙名公子翩翩意屢傾家法依然歐永叔
風流雅續謝宣城書從積處人憑借酒到酣時句已成
剩有梅龕佳墨贈雲煙落紙尙縱橫

都門九月九日雨

長安米貴旅憂飢不復登高把酒卮風雨重陽原有例
蒹葭秋色可無詩宦情雖淡貧猶戀晚景偏佳老自知
尋菊未能空索莫故鄉秫稻繫人思

聞家園秋成頗稔
藉慰羈懷

次韻翁覃溪先生丁卯科重預鹿鳴宴四首

鳴鹿秋高振遠天，耆英會後接芳筵。不分先後稱同輩，

都合顛牙論忘年。恰值康成揆初度，

鄭司農以丁卯生

應從許

渾續吟編

渾有丁卯集

橋名真爲科名設，纔拜

君恩便著篇。

燕喜文明接景光，聯鑣前後共騰揚。人看鶴髮盈新帽，

樂奏鸞笙煖舊簪。

樂家以火炙簪謂之煖笙。見宋章淵稿簡贅筆。

五叟之中松

等壽七旬以外桂，重香當年高會羣。仙日曾著天孫雲

錦袞。

神姿龍鶴遜高騫問字蘇齋訪古言昔有林閭宗雅訓
林閭翁孺好訓詁揚子雲師之見答劉歆書今偕蘭譜續芳尊銀鈎墨蹟家
爭購金谷詩篇語不煩海內依然稱四傑白頭同日荷
殊恩

三五成名故未遲華顛今更作人師徐梁羅共登科日
黃綺園同預宴時更老初霑新

寵命前此重譙鹿鳴未有晉秩者自先生始冠童重結舊相知

熙朝人瑞兼文瑞歌舞休停點鼓槌

次韻徐曉初同年哭朱仰山同年之作

此生盃肆未曾離舉酒攤書白眼時仰山喜飲酒讀書
離手吟興齒衰全不減飢驅兒問欲何之華顛仍滯馮唐
署仰山登第年已六十餘去國曾經杜宇祠詩卷文篇糟粕在步
兵身後可無碑

次韻族外舅萊蕪廣文先生見寄之作

蕪城冷署久生塵況是青瑣老病身賴有兒童工索笑
還因山水足頤神詩中好句尋秋谷琴外知音憶子春
片石殷勤千載意模糊燕影未全真先生以圓山燕
子石二片見惠
飽厭京華拂面塵冷官偏喜稱閒身嬾因成癖每疎客

窮且著書防損神夜雨燈前忘假寐曉風庭畔不知春

先生常以眠遲起晏見規蟲魚食注減吟興近方整湯

茲復致書垂問存此志感餅卻憐風味真先生客都門日每相過從喜啖唐廚

和閻紫岩太守言懷之作

酒泉張掖幾經遊十載逢君雪滿頭瀚海羽書孤雁渺

玉關羌笛旅人愁閻于役曾出玉邊城巖急心猶悸宦

况蕭條氣若秋應爲故人今惜別京華兩月尙淹留時爲

甘肅守比還左遷司馬

和王幼海員外游饑八首

舊傳貧瘠是登萊近日凋殘劇可哀滿路哭聲縈白骨

幾家空屋鎖蒼苔確磑爲飯朝難飽磨高粱磑爲市米

望兒暮未來莫怪長官輕民瘼秋收已報不成災各州縣有

報收成六分至八分者惟登屬招遠萊屬平度等以報止二三分蒙賑

那堪水旱鎮相連比屋無炊磬久縣慈淚翻因拋女減

郎衣多爲別妻牽賣女止三四千良田計頃難酬值惡

粟乘飢倍取錢斗粟至千八百十室九空存絕少逃亡

鄰境亦凶年

底須搔首問穹蒼陽九偏丁痛此鄉海北舊容民占籍

關東新斷客輸糧

登萊向資海運辛未秋奉天歉收將單奏暫停商販又以山東流民至

盛京者多奏禁出關蠲租

詔下人先死煮粥官多戶已亡邨落可憐雞犬盡無家何處辨滄桑

凶饑疾病遞相尋天妒此方害氣深壯健兒郎多短折

龍鍾老叟半呻吟災延親故傳疑誤談到姓名痛不禁

魏文帝與吳質書昔年疾疫親故多離其災又云觀其姓名已爲鬼錄堪恨人家輕送死

衣薪誰復覓棺衾

一槨之值至二三十千葦薄亦爲之貴

荒烟蔓草儘酸辛九死餘生豈但貧行客歸來訪兒女

喪家竟日絕親賓青耕未信能毆鬼山海經圖讚青耕禦疫跛踵降災

白晝居然不見人疫癘盛行或全家不遺一人麥有百委積於場至五六十日不收者

萬戶填阡盡滿長平莫怨虎狼秦

平原一望冢纍纍到處荒涼盡可悲暴骨如經兵火後

揚塵疑到劫灰時民非有罪同遭禍天是無心豈不慈

曾讀王充命義語墨儒均足耐人思論衡命義篇云墨家之論以為人死

無命儒家之議以為人死有命云云

城郭依然井里殘災餘景物倍荒寒瘡痍未復催科拙

生死都經撫字難斷梗隨流無倚著哀鴻滿野盡孀單

伊誰獨展回天手守土應爲補漏看

縣令有被逮者以撫恤不善之故

福澤如天徧兩州災黎忍使歎無鳩梓桑偏動微臣念

梁菽均關

聖主憂

近因盛京二麥豐收十餘萬石之半招集商販運至登萊以資接濟

詔以所存高粱三

應見黃雲鋪繡陌休教青草溷良疇遙知存沒皆霑惠

聞說今秋勝去秋

芍藥

居然國色豔朝霞不比尋常野草花空把別離誣鄭國甯知相謔屬誰家芳名恰入桐君錄韻事爭畱宰相誇

祇共牡丹分少許如何富貴獨歸他

洛川令田若谷

鈞

以詩招隱賦此答之并依其韻

客爲逃喧欲避人衰翁何意苦逡巡未將婚嫁付兒女
甯有水山酬智仁作吏仍容藏拙宦著書那得乞閒身
請訂曾子歸耕日漁艇仙源試問津

其二

少小邨遊愛里居野田風味藹懷如京塵隔斷還山夢
俗冗消歸索米書頭白漫驚霜信早鐙昏每到漏殘餘
余觀書每過夜半同人多見規誨不能改也聊以志過視陰常恐懸車晚卻愧輸

君賦遂初

有丐余爲墓表者屬藁方竟欲倩人書甫出戶爲
風颺去徧覓不獲戲爲詩紀之時二月十三日
也

東風無奈太顛狂底事吹花擘柳忙豈有文章驚海內
偏教聲價破天荒應嗤韓子諛非美疑怪魏公拙未藏
枉使兒童尋覓苦海翁一笑任飄颺

今年九日俗冗罷登高有作

自慙非吏亦非儒卻走風塵誤插莢忙裏觀書如捉影

每好車中把書此間尋菊似追逋偏將獨醒酬佳節少得偷閒
便小娛待到明年今日健摘花餐蕊喚提壺

晚菊 今年九月二十二日霜降立冬節後菊猶
盛開

十月齋頭看菊花卻緣霜信晚猶賒經年餐蕊追騷客
此日銜盃傍酒家傲骨須從寒處練浮情都被淡中遮
合將重九稽畱住待到冬初亦自嘉

蜀葵花

嘗讀尤西堂雜說五載占城使者寓蘇州天王

堂見葵花問何名人給之曰一丈花也卽題詩
云花于木槿渾相似葉比芙蓉只一般五尺闌
干遮不盡尙畱一半與人看此花本名一丈紅
西堂不知而云吳人給之非也爾雅戎葵注華
如木槿其詩首句亦非漫然余居停院落偏饒
此花因賦之云

楚荆繁露各爭芳高秀獨標出蜀鄉仍自錦城判顏色
莫將朝槿共評量要來攀摘須翹首不好窺覷每出牆
卻笑詩人都未識占城題品勝西堂

立春日大雪

煖厭裘多爲近春連宵飄屑望無垠如將白地光明錦
隔斷紅塵要路津霑足何須編戶籍陽和到處數家珍
怪他難積易消卻昨夜懸知斗指寅

雪水烹茶

兒童操帚撲瓶笙一點紅鑪活火烹此水須知天上味
七泉不共世閒爭莫嫌陶穀眞寒乞贏得茗柯有別情
恰好玉梅花正放欲和香藥入盃傾

正月十日

浮生未似夢來眞催促韶華過眼新病後方知身是我
老來無復事如人書經忘處偏能記官到鈍時更諱貧
今日入春纔十日年登八八及茲辰

白髮

白髮星星怕鏡看水流雲在兩相安事非經意來逾好
花到當開近欲殘筵客是遲翻有味寺鐘初聽已無歡
滿園桃李驕春色卻讓髯翁耐歲寒

自遣

吏隱何須更買山倦遊權作鳥飛還猶頗善飯甯言老

得少攤書莫等閒
嬾性解衣愁應客
寒門非債喜長關
蕭然半日無酬對
開卷心恬已破慳

五言絕句

渡淮河

二首 河在昌邑界字本作濰卽古濰淄漢志或省作淮而俗便呼爲江淮之淮則

失之矣
因訂正

源是出箕屋
非關桐柏尋東流
自其道何處問淮陰
河水形如帶
將軍恨轉賒
狗烹緣兔死
頗復悔囊沙

冬日馬上卽景用唐祖詠望終南霽雪原韻

二首

雪嶺出天末
斜陽明樹端
溪山渾一色
到處清光寒

積雪失蹤徑徑在遠林端邨巷不知處遙聞犬聲寒

冬日山莊早發

四首

霜氣透征衣流澌鳴澗水夢殘月滿鞦行過青山背
一條長板橋遙與沙隄對路暗少行人隔林邨犬吠
瘦馬怯寒溪層冰危欲裂雞聲出遠林月挂西山缺
濃霜壓背寒凍水侵肌骨遠寺發疎鐘深林邨火沒

春曉

春曉食餘夢寒輕起故遲窗櫺上初日鑪火正溫時

萊陽道中晚眺

遠山潑淡墨寫向蒼茫裏立馬望長天返照暮雲紫

青縣鹽河曉渡

颿駛下鹽艘曉風喧客舟一篙點水過錯認是輕鷗

都中寄家書

極目千餘里飛鴻卻復回衷情書不盡緘罷又重開

初冬望翠屏山欣然賦黃葉四章

黃葉滿山徑丁丁發樵響聞聲無處尋遊人獨來往
黃葉下山坡淅淅如風雨半嶺餘殘紅疑有藏春塢
黃葉連衰草覲髮何茆離人從半山出隱隱如見之

黃葉奄將夕牛羊下山脊未及上翠微何處尋行跡

七言絕句

燕趙懷古 二十首

涼珠消暑曉宮開碣館招賢出霸才先達有言自隗始
七雄低首一金臺

雖無騎劫功難就未死昭王黨已分戰國能明臣主義
可人獨有望諸君

如何西帝獨稱雄周轍雖微尙在東燕趙古多慷慨士
至今猶有魯連風

騎馬彎弓戰士憂
千年遺恨在沙邱
陽臺雲散歸何處

應解飛來神女樓

樓在真定趙武靈王夢神女於此

趙括空能讀父書
一無頗牧國爲墟
三軍阬盡將軍死
母也知人父不如

一劍豈能酬馬肝
荆卿鹵莽倖功難
便教銅柱非誤中
秦國甯饒太子丹

邯鄲歸後祖龍生
西帝焉知呂易嬴
陽翟李園同狡獪
秦人休笑楚人儉

竊窈嬪嬙輦入秦
阿房曉鏡豔爭春
祖龍若監雍宮禍

休選邯鄲鼓瑟人

亡命椎埋勛業高也應未得匹蕭曹漢家茅土人人享
盧綰封王况趙敖

井底青蛙白帝屯赤眉猖獗過黃巾滹沱冰渡蕪羹飯
應識帝王自有真

當塗典午始陵夷奄忽齊梁儘可悲南北渾如巢幕燕
春秋來去不多時

漚麻池涸生春草捫蝨人亡剩古陵自有渡江龍馬在
區區浪說慕容鷹

齊梁人擅雪兒詞絳帳風流屬阿誰莫道河汾遜濂洛
千秋房杜亦吾師

河北雄藩踞大都坐令跋扈計何疎削平吳蔡中興主
細柳營中周亞夫

鷁軍亞子總虛談燕頸絲牽梁首函養虎由來自遺患
唐宮不合怨朱三

如鐵頭顱厭老拳奪牛端不爲蹊田人生五代干戈裏
朝暮蜉蝣五十年

錦繖英雄下汴州燕支不御舊粧樓夫人城內餘荒草

殘照西風故壘秋

都城北門外有土垣數里傳是遼蕭后所築城

清心寡慾長生訣膜拜宮中問道歸虞揭柳黃皆國士

風流不及一蓑衣

邱長春眞人一號蓑衣先生詩首句乃長春語

立嫡誰言勝立賢舉棋不定簡文年已知如意類高帝

况乃天教始啓燕

吾輩激成此論允東林黨籍細推求諸君早讀范滂傳

也要清流投濁流

悼亡

三十首錄十二

槐黃眼看火雲流深鎖空閨止獨愁背地沈吟鐙畔語

不關宋玉好悲秋

矮几銅瓶插幾枝繞欄親摘葉參差石榴花色驚憔悴

從此小園不再窺

園中石榴一株
數月前忽萎

無窮心緒藕中絲
銘筆深慙庾信詞
最是腦人長短句
黃昏風雨畫簾垂

晚風吹露下中庭
夜靜無人戶自扃
何處深閨喧笑語
競將羅扇撲流螢

獨坐蕭齋喚奈何
十年情事付流波
寸心卻似須彌芥
藏得新愁萬斛多

紙帳銅瓶和靖齋可憐鬱鬱暗香埋孤山冷落梅花影
霜滿空庭月滿階

雪蘂冰花裁翦新香閨蹟面更無人夜寒鑪冷肌生粟
半臂何從乞一身

咄咄自言還自嗟黃昏庭樹噪棲鴉不堪重讀催粧句

雲鬢花鈿燭影斜

余完嫺時陳見莽先生以詩賀之末句畧本其意

數載恩恩雁影分歸然夏屋起新墳生前頗似能蕉葉
特酌香醪醉細君

春花如繡柳如氍柳暗花明映小潭陌上香車歸未得

斷腸紅豆唱江南

勝日揚鞭度小橋
橋邊風景儘魂銷
兩隄無限垂楊柳
繫得新愁幾萬條

乍明乍滅夕陽山
如泣如愁澗水潺
今夜遙憐閨裏月
幾家相對數刀環

春日都門偶步近郊有作

二首

帝京山色濃如黛
瀛海水光碧似苔
家在杏花天裏住
人從芳草地邊來

紅鵝杏花鋪碎錦
碧溪楊柳弄垂絲
近郊春色濃如許

身在城中尙未知

燕子

飛來燕子短牆東向我呢喃小語通似問曉風楊柳色
幾時青到故園中

題畫

浮家汎宅五湖東鵬綠鱗鱗望不窮水鳥偷聽蘆葉雨
漁舟輕繫柳陰風

慰人下第

花滿長安錦繡堆子規聲裏喚春來須知桃李仙宮樹

日華子言金卷一
三
揀就東風始一開

都門竹枝詞 四首

底須曲水引流觴暑到燕山自解涼
銅梳聲聲街裏喚一甌冰水和梅湯

擊筑悲歌燕市空爭如豐樂譜人風
太平父老清閒慣多在酒樓茶社中

簾捲空階日影斜蜂聲滿院靜槐衙
晝長湘簟暝初覺聽賣街頭茉莉花

人物繁華第一都挑燈喚酒更呼盧
櫟聲纔下人蹤定

須避金吾過九衢

夏日田居雜興 二首

鶉鴝聲裏雨疎疎五月苗稀草未鋤
人臥柳陰貪午睡一蓑笠外更無餘

樹陰深處露籬笆茅舍依稀四五家
客到莫愁行路渴呼兒先摘野棚瓜

秋夜卽景 二首

羅羅樹影上階橫蟋蟀聲中秋月明
偶向綠蘿陰裏過狸奴偷眼耿雙睛

明言金卷一
荒園雨過竹成叢
俏步蒼苔曲徑中
月色也應嫌寂寞
又移花影過牆東

秋雨

滿地青莎蟋蟀鳴
初秋天氣半陰晴
如絲細雨微微灑
纔上梧桐便有聲

閒眺

紅藕將殘翠葉疎
晚塘風定落花初
連番雨過添新水
又長盆池繡尾魚

次韻寄趙桐陽妹婿

四首

歸家後頗復完繕舊書卽今尙未了甚怱怱耳
前讀近體數篇除前四章和拙著外其餘四首
風度清妍蕭齋鐙下濡毫步和漏下十二刻矣
久不共話止此奉寄聊代剪燭西窗耳非云詩
也

書劒應嗟學已遲
翀霄虛負舊衿期
三更蟋蟀聲悲壯
別有愁心說向誰

蛛網懸窗手自除
高秋爽氣動衣裾
午晴簾捲渾無事
整頓牙籤理舊書

虛度桃源負宿心十年流水苦難尋
尊前白髮憐潘鬢
羞學漁郎再問津

剡苔剔蘚苦冥搜尙有中丞手蹟留
雨過蕭齋添墨暈

硬黃紙上搨雙鉤

近方搜輯先入世祖中丞公詩文兼搨墨刻永爲家藏他日來棲當出相

示耳

與衣買書二種戲成四韻

典卻寒衣小置書笥中蛇影竟成虛
挑鐙跌宕西窗下

文選恨賦跌宕文史

最怯涼秋九月餘

兩貫青蚨不用添算來酬直亦頗廉

因其價廉外雖無又贈錢二百

寒士綈袍子卻有蘇家亂葉錢

花燭詞次韻趙桐陽

玉臺新影啓粧樓金榜無名亦可羞
阿大中郎應笑我誰教夫壻不封侯

紅豔瀟湘六幅裙青鴉雙髻綰巫雲
從今縑素休輕比此意相知獨有君

二十五年諧鳳卜八千餘里壯鵬圖
挑鐙隱約窺粧鏡生怕人前喚老奴

壯志蹉跎三十餘蕭蕭潘鬢已盈梳
夜來偶對菱花照

始悔從前不讀書

得失寸心祇自知文章憎命我終疑來年同覓月中桂

各向蟾宮折一枝

僕既駑鈍頗爲閨中口實故相激發期雪斯言

梅藥初含映曉粧深深花氣撲簾香酒闌棋罷渾無事

閒話毛詩一二章

閨中多暇輒喜談詩

題趙秋谷海漚小譜

架上官袍久惹塵莫愁舊曲更翻新茂陵那有遺書獻
消得工夫賦美人

自王家口登舟是日泊天津城外紅橋

波引客心去不停颿開風利快揚舲水行如問程多少

獨漉橋東楊柳青

楊柳青水邨名獨漉橋俗謠獨立橋

答趙桐陽寄農語

二首

里句二章聊步前韻亦東施效顰意也寄來農語穆乎可思真如錫我拱璧但乞兒索食苦不足耳君家秋谷云門臨杭稻關晴雨更望輟讀之餘廣益搜羅有光鄙著則是收墨莊之租可無荒年飽書田之粟皆是真味矣

庚戌長安下第年農桑寶訓輯新編緣知絲粟來非易

特繪幽風七月篇

農語聽來亦偶然
豆棚瓜架雨餘天
知君身在義皇上
不獨柴桑處士賢

卽景

燕子掠蟲飛
跼地蜂兒供蜜
早趨衙一般辛苦都爲累
誰識浮生是有涯

途中連日雨同趙晴虹先生

回首長安滿面塵
那堪徧地是河津
故鄉若問征途况
兩個拖泥帶水人

至萊陽西與趙晴虹先生分途歸復冒雨疊前韻
翹首故鄉盼洗塵從今不復問迷津蕭條風雨昌陽路
側帽弄鞭剩一人

大小姑河水發幾不得渡

小姑在平度界卽姑尤以西之尤水者也大姑

在萊陽界

野渡無人客自呼衣裝盡日委泥塗
渴來生怕風濤險偏不饒人大小姑

壽光西北水田數里夏月偶經其地

二首

綠溪十里盡人家境似桃源不見花
初夏分秧秋掘藕

此中人不識桑麻

菱塘柳陌接天青
近水低田半是汀
岸上兒童偷眼看
新荷葉底撲蜻蜓

桑氏園亭近依水側頗爲幽勝

小亭臨水鑑虛清
圓牖窺波浸月明
十里芰荷青不斷
香風吹入壽光城

渡淮

麥黃時節卻經過
水上風紋捲綠羅
笑殺舟人不識字

津頭呼客渡淮河

淮漢志或省作淮
俗遂呼爲淮河

萊州道中

樹影重重埽不開
林梢露出小邨來
旗亭也有無灰酒
下馬提鞭酤一盃

天氣陰晴早夏間
故鄉風景最相關
田家此節閒人少

大麥黃時繭上山

俗以樹枝棲蠶作繭謂之繭上山見齊民要術

初冬野望

柳老西風送暮秋
騎驢蹀躞過林邱
分明似雨卻非雨
黃葉蕭蕭落樹頭

美人蕉

粵中爭購番蘭柿不是荊州魚枕苗特愛風流仙一品
青紗帳裏貯紅綃

書無名氏詩集後

四首

泥雪而今總是空爪痕猶在失飛鴻當年過信東坡語
不注姓名詩集中

樂府篇篇都擅奇梨園爭購十郎詩昔人原是有深意
名字至今談李癡

七言五字竝長城月窟天根骨氣清賦罷子虛人亦是
居然烏有一先生

麗句都堪付雪兒阿誰蹤跡畏人知平生不解藏人善
卻是無緣說項斯

病中覓醫不得戲以自遣

紙頭黏壁半參差盡道先生國手奇我奉太平經一卷
但求無病不求醫

北邙

數畝田園幸未荒秋來婦子盡登場邙中好景詩中畫
茄紫莧紅柿葉黃

九月扶病與客登高

登高有客意殊強豈爲幽憂頓減狂濟勝何曾誇有具
祇因不肯負重陽

久客歷下漫題

濟南名勝甲三齊水榭花亭訪舊蹤強作詩人苦吟咏
風煙佳處半畱題

濟南竹枝詞

效樂府小秦王
體四首錄二

明湖秋水碧於油女伴相邀共冶遊蘆荻叢中喧笑語
前亭放下採蓮舟

城南一帶野人家龍洞彎環曲徑斜紅粉青蛾山下路

更無人看海棠花

龍洞在城南三十里秋海棠布滿山谷士女於九日競爲游觀

戲詠息夫人不言

三首

戈矛閨闔息侯驚斷送桃花入楚城自是羞談亡國事
何曾絕口不言兵

山河已舊黛眉新子滿花房暗度春若效綠珠輕一擲

楚宮誰號未亡人

翻用杜樊川詩意

令君簫鼓可憐生不解深宮脈脈情六百戎車還向楚
胡盧依樣替家兄

觀弈 二首

世人勞攘市中塵君向蕭齋拜積薪千載興亡同一局
輸贏畢竟有誰真

楸枰橘叟趁閒身坐隱問君幾度春獨對蕉窗松閣裏
爛柯山下一樵人

踏青詞

赴都途中作

如絲弱柳弄輕埃菜甲初紅細雨催君看踏青芳草路
弓鞬步步曳春來

曉風楊柳渡河津薄薄輕寒二月辰休怪紅塵當面起
陌頭初過踏青人

瞳瞳紫陌曉霞開
闕草南園女伴回
邨舍清閒無箇事

一籃粳豆一團灰

里俗二月二日炒豆食之或調蜜裹麪謂之蜜豆又天曉於庭心撒灰作

團團之形以象倉囤也

運河

河聲北走入金臺
貢道當年碣石開
楊柳隄頭飄似箭
吳船閩舶一時來

苑家口

漠漠寒烟籠曉流
燕山二月尙披裘
騎驢側帽長安客
風雪滿天過霸州

都下春日口占

春光淡沱雨初晴
二月和風滿帝城
禁水橋邊潏柳色
長安街裏賣花聲

次韻繼述之消夏八首

禁富貴習氣
并汎微故實

躁心偏與熱心并
塵氣卻緣暑氣生
楊柳陰中棋一局
不知人事幾回更

靜室纔安小板牀
好風恰送十分涼
北窗閒覓羲皇侶
莫夢仙娥霓作裳

暑在睡鄉逃不得
醉鄉逃暑亦非宜
好風微雨從東過

愛誦淵明五字詩

香風捲起碧櫺紗
字字經文見妙花
閒坐攤書消內熱
何須更覓鎮心瓜

偶愛幽香學種蘭
小軒容膝亦頗寬
忽聽銅碗街頭喚
新買冰來貯滿盤

十載著書歲月經
問奇猶愧子雲亭
去年今日方高臥

余以癸亥春服闋夏間復來農曹供職
竹雨松風歷歷聽

所居曠書精舍頗饒松竹

難窮爾雅蟲魚注
易混夏王山海圖
未解蒲盧援蜃蛤

翻牽震澤入江湖

中山經青要之山多蒲盧郭璞注誤引爾雅爲釋似忘夏小正傳也其釋

爾雅十藪具區誤從孔傳以太湖爲震澤斯皆郭注之失偶摘二條用資博物

拙宦胸中絕點塵冰心未厭貯壺頻詩中也有清涼散
卻是不堪持贈人

和恆雲岩柬繼述之疊前韻

功名原是泡中影富貴眞如樹上花早達如君年最少

述之新補官
年未踰立

同曹剩我繫匏瓜

余於庚申冬歸里癸亥夏始復來京班列視諸

君最
後

三十窮經已太遲從今宦學更非宜年來幸步諸君後
也擘花箋賦小詩

蠅頭微利原無分，蝸角虛名誤此生。
一自讀書忘世味，炎涼回首幾曾更。

才疎何必中頻熱，官冷自然心解涼。
頗怪清狂江上客，芙蓉荷葉作衣裳。

滿座清芬氣似蘭

君恩波及小臣寬，署中每日叨官飯。
免笑先生苜蓿盤，誰將軒冕等泥塗。
爭羨淩煙閣上圖，近日紛紛廊廟客。
都無人肯臥江湖。

封禪當年事幾經，金泥玉檢爛雲亭。
登臨一覽眾山小。

杜老語君子細聽

更憐東海未揚塵
蜃氣吹噓入望頻
多少樓臺煙雨裏

何曾有箇問津人

雲岩要余說敝鄉風景故二詩聊一及之

正月望前一日鐙下走筆和繼述之員外食春紅

浮圓戲成二絕原韻

附戴蓮士協揆原唱云春寒釀雪試鐙前庭樹無花

卷晚煙瞥見小紅浮似玉晶球應讓十分圓小名擬共侍兒呼唐突西家製絕殊若比洞庭霜

點句傲他傳

紛遜施朱

帝城春到上元前
風日晴暄柳帶煙
別有太平清雅事

輕紅飛上小湯圓

霜橙風絮任人呼

錢文端公句云風團謝家絮霜點洞庭橙

舊樣翻新製更

殊食譜從今誇絕豔當年施粉近調朱

昨赴尙書下省有民人王家靄詣署投呈爲認買

田畝當事者訊問供詞旣稱大部又稱我旋稱

生員或稱生身眾咸斥其謬妄又改稱小底自

言係生員被黜坐中皆掩口因走筆戲成一絕

驀來越訴爲抄田大部生身語混牽莫怪民人安分少

于今小底半生員

從趙內翰

錢

乞菊

有小柬

屢過高軒頻涉盛園飽賞名花曾未奉面看竹
何須問主人顧弟非王子猷耳特展謝忱並候
安福兼求菊中小小者見惠數種供置齋頭少
延清賞如蒙割愛倍以欣然儻可乞陶令之花
敬當酬王宏之酒

城市山林自一家煖堂芬馥足名花就中特愛淵明菊
爲助齋頭逸興賒

苦雨

四首

青草久枯無麥禾芳田旋復怨滂沱天公真有難爲處

恨少無端又恨多

莫嗟旬日雨紛紛只爲田頭久矚雲若許甘霖擢節用
桑麻終歲盡鋪棗

街頭笠子聚成陰水到渠平幾許深莫爲饒多生厭賤
甘霖曾是貴如金

滴滴檐頭斷復連長安市內欲乘船猛風不遣豬雲散
卻把銀河水倒懸

占書言黑雲如豕向
天河數日必大雨

次韻賈髻山

仲

見贈之作

曾是聯行共我三

古論語我
三人行

郎曹盡日筆常簪一從平

谷君歸後三里河邊孰與談

君舊寓居三里河

好鳥懷音久倦聽時花一任送芳馨養疴三載席門掩

舊患偏痛今餘二年酈注桑書讀未經

君舉水經見

乙亥春初髻山以二詩見貺竝屬和余時抱恙未痊
旋復繼惠十章情韻斐然侵尋夏杪舊患少差宿雨
連旬偶披藏篋翰墨如新已延半載歎分陰易邁而
寸束未酬意殊惡然聊步二章兼係一絕以彌其闕
云

眼轉春過夏又闌新詩緘篋病衰殘盈旬舊雨連今雨
徑溼蒼苔總未乾

從歐陽梅龕太守索南筆倣京式者時六月廿二

日久雨新晴後作

毛穎功名久擅場臨池今已退鋒鋌廬陵頗有生花管

好向梅齋覓一牀

南朝以筆四管爲一牀

嘉慶丙子季夏刊宋瑱語諸書向友人索價因賦

短章

典卻衣衫爲辦書夜涼風靜苦踟躕幾曾賣貴洛陽紙
已涉蘭秋七月初

秋海棠

西施鄭旦兩傾城千載誰能定品評祇爲幽姿偏冷落

獨教西府擅芳名

小寒日作

頻催短景小寒天
鑪火微烘凍墨研
莫道齋頭花冷落

迎春消息在梅前

迎春盛開
梅花初綻

菊花開後杳無花
梅蘂初含影半斜
二客相從殊不惡
淡人家復冷人家

五言排律

看竹何須問主人

十二韻

醫俗惟憑竹
言觀愜夙懷
微寒清夏簟
似東蔭空階
命

駕將焉適尋幽卽此諧儼如君子斐底事主人偕禮數
雖疑簡風流莫與儕客非因造榻門喜未關柴嘯傲聊
堪賞譏訶亦復佳不逢投刺使誰進乞詩牌若怪窺園
遽應須穀旦差此君真灑落同爾釋形骸翠籜紛紛是
青陰處處皆還當移數畝看近小茅齋

山楂饅

十六韻寄謝張夢穎

品在唐菜上名標爾雅中珍偕梨竝舉製擬橘難同可
口推尤美題饅愧未工頗宜呼醋醋恰好比紅紅脣濺
燕支膩眉攢措大窮解醒資夏語著色任冬烘梅子津

初釀櫻桃爛欲融
豔分官長態味帶士林
風齒稍添新
離心仍表赤忠煎
調傳大令鄭重寄衰翁
開匣驚全滿
收漿怯半豐
裝匣過盈
苦匏猶繫北甘菊早還東
夢穎壯歲
即以奉舊雨
追今夜華緘託遠鴻
薦盤欽石友鑽果憶
養去官
園公熱渴煩兼滌
酸甜澀備充相思
千里外無物報周

菰
張安邱人戊申同鄉薦

情韻兼勝不徒賦物爲工
象思齋

七言排律

二月春風似剪刀
十二韻

底事封姨運手勞，颯然經過快如刀。
無端蘋末輕颺動，有似并州利器操。
橫斷晴煙堤外柳，摧殘綵纈井邊桃。
應妨誤觸蜂鬚墜，恰趁斜飛燕尾高。
截雨江頭分幾段，裁雲嶺上掠周遭。
穿開繡陌塵皆剗，刺破吳淞水半篙。
捎著花香縈翠箔，拖將草色入青袍。
蝶衣粉褪驚莊夢，苜帶絲牽憶楚騷。
刀蹴簾鉤光閃閃，尖敲玉片韻嘈嘈。
楊荑折處疑垂線，雁羽飄來認翦毛。
少女枝間貪鬪巧，大王庭下舊稱豪。
蘭臺宮裏風曾賦，那比鋒鋷物莫逃。

觀秋稼登場

十二韻

報道南山豆莢黃，邨中婦子盡登場。兒癡且喜能分穀，
女弱還教助舉筐。盡室初欣完國課，逢鄰先共話家穰。
棚因草薺聊遮露，粒已風乾可貯倉。滿地珍珠全散米，
一天粟雨半飛糠。雞銜遺穗羣爭逐，犬臥疎籬靜不忙。
多秬好畱供麴蘖，殘蕪兼復飽牛羊。偶餘棲畝非齋盜，
憑聚爲山尙滿囊。無怪當年思稼圃，有秋今日樂義皇。
籌車作隊喧邨徑，耒板連聲送夕陽。閒話人皆歸比屋，
新炊飯已潤枵腸。何時社鼓紛榆會，更看驪呼舉國狂。
田家樂事無過穰，秋摩寫茲篇。黃農在目，時剖胸臆。

過吾師丈人遠矣

自記

孫男聯蘇聯茹校字

曾孫國瑞國鎮同校字